

PLOANIES SAN MARTIN Y LUNGIARÜ

En chësta ota tignunse la prozesciun eucaristica en Les Antlës a Lungiarü y en la festa dl Cör de Gejú a San Martin. Les uniuns é indô bel periades da fistidié y da chirí les porsones da porté le cil, les linternes, les statues, i confaruns, les bandires y i.i. por podëi tigní na bela prozesciun sciöche espresciun de nosta fede.

L'Unité pastorala Val Badia inviëia a n iade a Assisi cun Christian Ferdigg por ca. 20 porsones dai 03 ai 6 de messé 2026. Le prisc a porsona te na ciamena dopla é de 470 euro. Ti prisc él le iade cun le bus dala Val Badia demez cina a Assisi y indo a ciasa, trëi nòts tl hotel Belvedere cun gosté y 3 cënes tl restaurant La Rocca. I vijitarun i posc plü bi y simbolic d'Assisi d'Assisi. Al sará lapró ince la pert storich-artistica, val' p'icia spazirada. Por iscriziuns y informaziuns podëise chërdé sö o scrí a Holimites: T: 0471 838022. E-Mail: iadi@holimites.com.

SAN MARTIN

Al vëgn indô sié la cortina en dedolönesc, ai 26 de ma, dales 18.00 inant. Chi che á dlaurela é dër bel peria da gní a daidé. Da pur tēmp le de do.

LUNGIARÜ

En mertesc, ai 26 de ma, vëgnel lavé la dljia. Al vëgn perie bel che tröpes/tröc vëgnes a daidé spo se fajunse plü saurí. Prëibel y bel dilan!

Le grup d'la Ciamena dal quant a Picolin inviëia dër bel la jënt da gní a se chirí fora quant, la jöbia dales 14.00 ales 16.00. Düc é bëgnodüs, mo por gauja de lerch vëgnel ince perie, dal 1 de jügn inant, dër bel da ne dé nia jö quant por n pez. Ti ultimi mëisc él gnü condüt dër tröp quant, deache la Caritas n'á nia plü fat la racoiüda da d'altonn. Plü inant, canch'an ará dé ia le quant ch'an á, podará indô gní condüt quant. Chësc gnará spo lascé alsavëi.

Domisdé de terapia Kneipp: Le curs (por todësch) vëgn tigní le dedolönesc, ai 9 de jügn dales 14.00 ales 17.00 sön le percurs Kneipp dlungia la Ciasa de Palsa a S. Martin dala referenta Waltraud Auer (Kneipp Gesundheitstrainerin SKA (Sebastian Kneipp Akademie) organisé dal Consëi de Formaziun. Chi che ó tó pert al curs é bel peria da se prenoté pro Monica Trebo Crepaz 334 82 28 799.



I periun do l'intenziun dl Papa tl mëis de jügn por i valurs dl sport

I periun che le sport sides n stromënt d'la pesc, dl'incuntada y dl dialogh danter les cultures y les naziuns y ch'al promöies i valurs dl respet, d'la solidaritè y dl svilup personal.



Plata dles Ploanies San Martin y Lungiarü

ploaniur Klaus Sottsas 344 15 54 055 - klsottsas@rolmail.net
curat don Marco Veghini - pfarrei.ploania@protonmail.com
redaziun: anton.gasser@rolmail.net - 348 27 44 517 / 0474 523194

24.05.26 - 31.05.26 n. 26

termo por comunicaziuns: jöbia, dales 20.00

PASCA DE MA

Vangele do san Jan 20,19-23

La sëra dl pröm dé dl'edema,
canche i discepui â, dala tēma dan dai iüdes,
saré pro les portes, él gnü Gejú,
é jü amesa ëi ite y ti à dit: Pësc a os!
Do chëstes parores
ti à mostrè sües mans y so costà.
Dailó se ralegrâ i discepui da odëi le Signur.
Gejú ti à ciamò n iade dit: Pësc a os!
Sciöche le Pere m'á menè mè,
insciö ves mëni iö os.
Do ch'al à albü dit chësc, ti à fladè ados
y ti à dit: Recioiede le Spirit Sant!
A chi che os ti lascëis do i picia, ti ési lascia do;
y a chi che os ne ti i lascëis nia do, ne ti ési nia lascia do.



En Pasca de Ma ponsunse scialdi al evënt descrit tla Storia di Apostui:
ai discepui abiná y sará daite che prëia y se tēm - spo te n iade:
n gran sciosciüre, tempesta, lēnghes de fūch - ai pëia ia, Pire vá fora y pordica
y n per de milesc se lascia batié.
De döt chësc sinti iö pūch te mia vita religiosa y te mies esperiēzes de fede.
Mo i sun contēt da aldí incö ince n per de risses dal vangele do san Jan:
döt n pū' plü scēmpl, mo tambëgn cun la medema faziun.
Al me sá da podëi sinti tres indô danü n sofl de fede,
che me dërza sö, che me porta, che m'incorajëia, che m'alegrëia.
La pesc, che Gejú ti aoda ai discepui y a nos,
é impröma pesc cun me instës y cun mies deblëzes,
mo nia n invit da m'acontenté sciöch'i sun.
Sciöche cristian ói me dé da fá y arjunje val',
mo dantadöt ester misericordius cun mi proscim y cun me instës. *M. Tillmann*

EDEMA - A	SAN MARTIN	LUNGIARÛ
24.05.26 PASCA DE MA <i>Santa Maria dal Aiüt</i>	<i>degöna Corona (don Marco)</i> 10.00 Mëssa solëna por la comunité ++ Carlo y Hannele Zingerle + Sciandro Trebo, dl ann 19.00 Ora d'adoraziun al Spirit Sant 19.30 Corona de ma sö Ju	7.50 Adoraziun (1ª pert) 8.15 Mëssa solëna por la comunité por les families de Rosalia Pedevilla de rengr. fam. Osvald Verginer + Hilda Pezzei dedô Adoraziun (2ª pert)
25.05.26 LÖNESCH DE PASCA DE MA <i> Maria, Uma dla Dlijia</i>	9.30 Funziun al Spirit Sant (siur Klaus) 10.00 Gran Mëssa por la comunité + Paul Vantsch, dl ann 19.30 Corona de ma a Picolin	7.50 Corona (siur Klaus) 8.15 Gran Mëssa por la comunité + Sepl Clara, Sanvì + + de Iachin
26.05.26 Dedolönesch <i>Filip Neri, Ildefons</i>	8.00 Mëssa por les püres Animes 19.30 Corona de ma it'a Bioch	19.30 Corona de ma tla capela de S. Ojöp da Oies
27.05.26 Dedemesaledema <i>Agostin, Bruno</i>	20.00 Corona de ma sö Frëina/Mirí	7.30 Mëssa + Rudi Moling aniv. Paolo Costa y Pire Clara vis y def. de Monica Costa dedô Corona de ma
28.05.26 <i>Wilhelm, Peregrin</i> Jöbia	8.00 Mëssa por i scolars defunc dles families d'Anvì	19.30 Corona de ma fora dala Grota
29.05.26 <i>Martiri dla Val di Non:</i> Vëndres <i>Sisinus, Martyrius y Alexander</i>	18.30 Adoraziun chîta 19.00 Adoraziun deboriada	
30.05.26 Sabeda <i>Otto Neururer</i>	10.00 Mëssa (don Marco) por chi dla Classa 1966 18.30 Mëssa prefestia (don Marco) + Ida Flöss	
31.05.26 DOMËNIA DLA SS. TRINITÉ <i>Domënia dles families che nes inviëia da se dediché ala vita de familia</i>	9.30 Corona (don Marco) 10.00 Gran Mëssa por la comunité por familia Leo y Monica Crepaz + Emma Costabiei 19.30 Corona de ma sö Ju	7.50 Corona de ma (siur Klaus) 8.15 Gran Mëssa por la comunité por les families de Sepl Pezzei, Camura por fam. Reinhold Sorà



I creïi tl Spirit Sant,
 i creïi ch'al me fej lëde da mi preiudizi,
 ch'al müda mies usanzas,
 ch'al superëia mia anfataria,
 ch'al me dá ideas co orëi bun,
 ch'al me straverda dal mal,
 ch'al me dá coraje da fá dl bëgn,
 ch'al devënj mia tristëza,
 ch'al me dá amur por la parora de Dî,
 ch'al me tol i sentimënc ch'i ne sun da nia,
 ch'al me dá forza te mies soferënzes,
 ch'al me mët dlungia n fre, na so,
 ch'al vëgn ite te döt mi ester.

Karl Rahner